

hominibus villicis vel advocatis ausu temerario et timore dei postposito volumus contra tenorem privilegiorum ipsis concessorum molestari quomodolibet seu gravari. Ut igitur praesens ratihabitio sive ratificatio robore gaudeat et vigore et ne alicui super his ullum dubium valeat suboriri, praesentem litteram ipsis dari iussimus sigilli nostri munimine fideliter insignitam. Testes huius sunt nobilis vir H. advocatus de Gera, H. de Hopphegartin, C. de Luppe milites, dominus Henricus Nisicensis archidiaconus et prothonotarius, dominus C. eiusdem ecclesiae sanctae Crucis praepositus, Henricus de Groyz, Hertwicus de Hursilgowe notarii nostrae curiae, Johannes noster cappellanus, Theodericus de Zochere noster officialis, Jacobus Magnus civis noster in Dresden, praeterea Hermanus et Vlricus fratres de Maltiz et alii quam plures fide digni. Datum Dresden anno domini M^o.CC^o.LXXX^o. quinto Nonas Marcii.

Nach dem Orig. im K. Haupt-Staatsarchiv zu Dresden mit dem beschädigten Reitersiegel des Markgrafen an Fäden von rother und gelber Seide.

No. 413. 1303. 10. Mai.

Der Burggraf Burchard von Magdeburg, k. böhm. Landes-Hauptmann in Meissen, eignet im Namen des K. Wenzel von Böhmen dem Kreuzkloster erkaufte Geldzinsen und das Patronatrecht zu Grumbach.

Nos Burchardus burgravius de Meydeburgh, Misnensis capitaneus, tenore praesentium recongnoscimus protestantes, quod cum dominus Albertus, domina Chungundis abbatissa totusque conventus sanctimonialium monasterii sanctae Crucis comparassent rite et rationabiliter apud Thyrmannum de Vsselbach in villa Gruenbach^{a)} decimum medium mansum solventes annuatim sex talenta et ius patronatus ibidem cum ceteris utilitatibus, quae eisdem nunc inesse poterunt vel in futuro, quae iam dicta praefatus Thyrmannus tenuit a nobili viro domino Meynero burgravio Misnensi titulo feudali, qui dominus burgravius cum eadem tunc ab inclito domino nostro Bohemiae et Poloniae rege teneret feudaliter, ipsi domino regi ea libere resignavit petens et exorans eundem dominum nostrum regem, ut praedicto monasterio praedicta dignaretur in proprium erogari, ad cuius petitiones idem dominus noster rex et maxime propter deum inclinatus huiusmodi contractum gratum et ratum habuit et quantum in eo esse poterat eundem liberaliter approbavit. Testes huius sunt dominus Syfridus plebanus in Kalowe, Hermannus plebanus sancti Nycolai in Vriberch et plures alii fide digni. In cuius evidentiam plenior praesentem litteram dedimus nostri sigilli munimine communitam. Datum Praegae anno domini M^o.CCC^o.III^o. in die beatorum martyrum Gordiani et Epymachi.

Nach dem Orig. im K. Haupt-Staatsarchiv zu Dresden mit dem Siegel an einem Pergamentstreifen.

a) Grumbach b. Wilsdruf, Eph. Dresden.